

三十一

故年家姚公挽章

世德方隆報君恩未及封起家惟子好弗壽竟誰鍾  
無復時中聖遙憐不相春隻雞吾阻往投淚睜喬松

十三

次韻南軒喜雨

午窻溜雨忽潺潺想見欣然阡陌間敬簡堂中有新

事水滿新池雨滿山

此首已見刻本但後半不同

十四

又

北風吹雲如裂絲赤龍卷水尾倒垂雷轟電激不敢  
駐驅入吾家喜雨詩

十三

十五

又

天公有意不作難一雨千里須臾間但得湖南今歲  
熟我亦腰鎌歸故山

十三

十六

又

使君保障仍蠶絲可憐民屋如罄垂今朝一雨秋事  
了便可高詠豐年詩

十三

十七

送茶

頭網八餅密雲龍曾侍虛皇拆御封今日湘中見新  
夸喚回清夢九煙重

十三

十六

從吳伯承乞茶

三月新茶猶未識作詩去問野堂君春風有脚家家  
到定為鹿官不見分

十三

十九

送僧遊天台

寶刹憑虛五百仙猶將心事向塵邊煩君試問橋東  
寺若箇而今又應緣

十三

二十

石惠叔以石斛為貺因筆賦詩

截得蒼山一段秋千峯萬壑翠光浮虛堂百尺瑠璃  
簞對此真堪作卧游

十一 題趙知府墓

翁仲無聲石馬閑  
墓門蕭瑟鎖青煙  
故人仰卧青松下  
落日孤村聞杜鵑

十二 朝謁南嶽

秦常嵩岱拱神州  
玉帛閑來四十秋  
卻到朱明回北首  
憂時淚作九江流

十三 題方務德靜江所作雪觀

昔日主人今法從  
空留偉觀古城隅  
邦人指點思遺愛  
我亦先生屋上烏

十四 和伯承送茶韻

佳句新茶亦太奇  
嘗新即日未全遲  
掃除鴈鷺行邊事  
細輾春風細讀詩

十五 和伯承惠笋

錦箨離離鄉觸藩  
怒雷挾雨更追奔  
絕甘賴有吳公子  
菌蠢貓頭不足論

十六 又

楚產惟渠可定交  
時時隔壁望煙梢  
已煩樺子來相過  
更有新詩送島郊

進奉貢葛奏狀

厥篚織纊雖云任土之殊當暑絺衫頤是此邦之產  
 備齊官之三服參禹貢之九金前件物邊幅非長經  
 殊拙垂衣裳而至治慚莫效於絲毫美黻冕以致神  
 或見收於中冓謹隨狀詣闕上進以聞

荅吳將仕

屬厭俊聲夢想德宇丈人作牧適臨父母之邦仲氏  
 決科更參兄弟之契欲論交而未敢乃盛禮以見投  
 伏惟某官考信六藝以行其所知博極羣書而守之  
 以約深厚爾雅追漢兩京之文直諒多聞得魯君子  
 之益蓋將友天下之善士豈其顧吾儕之小人既見  
 止而心降喜可知也匪報也而永為好俾利圖之

除禮部郎官謝沈左相

考東觀之藝文方陪雋軌隸尚書之牋奏遽列清曹

荷銓宰之殊知躡官彝而超授伏念某幼而不學長也益愚出寒鄉寂寞之濱居游已陋襲老生陳腐之說剽略奚工策名雖冒於一科觸禍僅違於九殞諸侯賓客姑將稍試於所聞上帝圖書即許竊窺於未見牙籤雲委貝闕天橫蠹魚枯文字之間海鳥眩鼓鍾之饗瓶罌易耻宜蒙盥脫之譏組繡非能敢望錦窠之目始令承乏旋使為真訪臺閣之大儀顧非博綜誦朝廷之故事尤愧清通蓋一再歲之久虛乃不崇朝而輕昇凌兢就職激切懷恩茲蓋伏遇僕射相

公道妙體元誠純育物阜夔稷契丕成極治之功東馬嚴徐盡入至公之用占小善者率以錄示大賢之無不容猥收場屋之虛名亦玷省垣之高選某敢不靖共爾位紬繹舊聞何目為郎雖賴曲成於造命不遑將父終期外補以便親

二  
湯右相

前上同 某重惟父子悉累門闌樞筦編摩墮甑尚勞於却顧珍臺洒掃遶枝更許於安棲藐是孤蹤益勤大造斯文衡鑑收雕蟲篆刻之微羣枉織羅抹破卵傾

巢之酷故茲識擢一出異知恩如鞠育以何加身欲  
糜捐而莫報某敢不質之天地銘在肺肝下同

三  
謝劉提舉

郎家安在方叨執戟之榮君舉必書遽陪載筆之侍  
冒恩至渥論報獨難伏念某猥以諸生濫追衆雋考  
藝文於東觀隸牋奏於南宮忽誤聽聞進躋班列典  
春秋尚書之簡冊何有編摩望清都太微之冕旒空  
塵供奉靡容辭避端自吹噓茲蓋伏遇某官學有本  
原智周事物六轡按部式專聞闔之權三接造庭即

賜清閑之燕不遺故舊曲借褒揚遠勤騎吏之臨特  
拜雲牋之貺齊夸烏有姑借喻於騁辭魯懼無鳩願  
推誠於發藥祗深感抃莫旣頌言

四  
撫州到任謝執政

殊庭賦祿方省已以偷安劇郡分符遽叨榮而起廢  
大恩難報小器易盈伏念某天與隘踈地繇孤遠頃  
陪朝列誤簡聖知執筆螭坳愧編摩之何有演綸鳳  
閣知潤色之非長人咸羨於遭逢已獨知其僥倖殫  
黔驢之枝未答洪私致鷄梁之譏莫逃餘責一收朝

蹟三易歲華既自循滿溢之愆敢復有超踰之望忽  
玷蕃宣之寄寔繫造化之私恭惟某官茂業經邦精  
忠格帝自任天下之重出應聖人之時端委廟堂共  
建非常之策運籌帷幄果收不戰之功勲在旂常望  
隆鼎鉉夫何踈拙亦預搜揚某敢不祇畏簡書布宣  
條教慰安牧養冀追渤海之功撫字催科惟上道州  
之考

二十三

五

王提舉

食檠飲冰舊欽耆德匿瑕藏垢今藉餘輝將親依繡  
節之嚴敢恭致緹緘之問伏惟某官學專師古志不  
謀身落木紛披凜長松之獨立頽波浩渺屹砥柱於  
中流蓋富貴一時於我何有哉雖夷險百為惟是而  
已矣 聖天子既深知於忠謹士大夫亦交譽於清  
規正色朝端所宜進陟觀風江介曷尚淹留某慕用  
惟深師承是幸惟州縣簿書之事儻少寬程督之科  
則里閭凋瘵之民庶竭盡撫摩之力

二十三

六

陳運使

誦諫臣之薦草夙欽循吏之稱分太守之竹符今托

外臺之芑願瞻誨色祇奉教條共惟某官古學精深  
英猷特達頃侍和公之側婁道永州之賢事得其宜  
未嘗千百姓之譽治出於一殆無愧兩者之間將登  
禁密之聯尚借澄清之略諒無煖席即有賜環某慕  
用惟勤親依是幸惟州縣簿書之事儻少寬程督之  
科則里閭凋瘵之民願竭盡撫摩之力

任提刑

近仙闡錦帳之氈昔聯輝於列宿瞻使者繡衣之弁  
今托芑於天將祇奉於教條敢敬馳於書牘伏惟某

官學潛精粹德秉純全素節清規表儀於鄉黨閎猷  
敏識潤色於朝廷容臺正莖禮之訛憲府極繩愆之  
效方佇特荷之拜俄聞蕩節之行千里上游久著平  
反之譽九關帝所即期趨召之歸某一去賓閣屢更  
歲籥躬耕下澤徒切睇於光躔假守偏州乃密依於  
蔭樾所冀少寬於程督庶將自力於撫摩

湖南宴交代劉舍人

珠幢玉節來宣上將之威赤舄袞衣歸授元臣之柄  
乃眷門闈之舊獲承尊俎之餘陳九獻之縟儀表十



連之盛事某官之聲名四海翰墨兩朝騎麒麟而翳  
鳳凰筵叢霄之嘉會射駿驥而掩翡翠扈紫禁之清  
塵主眷式隆士心景附八命伯九命牧具瞻賜履之  
雄萬石簾千石鐘載旌帥閫之伐靜掃綠林之寇嚴  
趨清蹕之朝望碧紗之籠久注神仙之籍聽白麻之  
告徑躋丞弼之司况嗣建於旌旌實親傳於衣鉢且  
慰列城之望少為數日之淹醉我舊官壽公慈母聲  
流夜瑟莫非鼓舞之兒童淚點秋竿却是攀留之父  
老某等幸瞻高宴猥列賤工敢酌民情上陳口號

年時授鉞許專征蜂蟻千屯一笑清已變耕桑彌曠  
野却驅旌旆入神京才從湘水東邊去且到台星極  
處明傳語邦人莫留戀使君元是我門生

句曲

十眉就列爭敷要眇之容三穴既空綽有回旋之地  
且呈楚舞再鼓相絃上悅台顏後部獻曲

荆南宴交代方閣學

高牙大纛來威江漢之濱閑館珍臺去躡星辰之上  
疊兩世無窮之契侈一時創見之榮

下接符節親傳之

此第三十一卷全卷  
恒六州歌頭一首念  
奴嬌過洞庭一首  
又歌雪呈朱漕元  
順一首刻本有之  
餘均補錄於此

水調歌頭為摠德居士壽

隆中三顧客  
圯上一編書  
英雄當日感  
會餘事了  
寰區千載神  
交二子一笑  
眇然茲世  
卻願駕柴車  
長憶淮南岸  
耕釣混樵漁  
忽扁舟凌駭  
浪到三吳  
綸巾羽扇容  
與爭看列  
仙儒不為  
尊鱸笠澤  
便掛衣冠  
神武此興  
渺江湖舉  
酒對明月  
高曳九霞  
裾

又凱歌上劉恭父

猩鬼嘯篁竹  
玉帳夜分弓  
少年荆楚  
劍客突騎  
錦襜紅千里  
風飛雷厲  
四校星流  
彗掃蕭斧  
剗春葱  
談笑

青油幕日奏捷書同 詩書帥黃閣老黑頭公家傳  
鴻寶祕略小試不言功聞道璽書頻下看即沙堤歸  
去惟幄且從容君王自神武一舉朔庭空

又泛湘江

濯足夜灘急晞髮北風涼吳山楚澤行徧只欠到瀟  
湘買得扁舟歸去此事天公付我六月下滄浪蟬蛻  
塵埃外蝶夢水雲鄉 製荷衣紉蘭佩把瓊芳湘妃  
起舞一笑撫瑟奏清商喚起九歌忠憤拂拭三閭文  
字還與日爭光莫遣兒輩覺此樂未渠央

又金山觀月

江山自雄麗風露與高寒寄聲

一本作

月姊借我玉鑑

此中看幽壑魚龍悲嘯倒影星辰搖動海氣夜漫漫  
湧起白銀闕危駐紫金山 表獨立飛霞珮切雲冠  
漱冰濯雪眇視萬里一毫端回首三山何處聞道羣  
仙笑我要我欲俱還揮手從此去翳鳳更驂鸞

又汪德邵無畫藏

淮楚襟帶地雲夢澤南州滄江翠壁佳處突兀起紅  
樓憑仗使君胷次與問老仙何在長嘯俯清秋試遣

吹簫看騎鶴恐來游 欲乘風凌萬頃汎扁舟山高  
月小霜露既降凜凜不能留一吊周郎羽扇尚想曹  
公橫槩興廢兩悠悠此意無盡藏分付水東流

又 隱靜山觀雨

青嶂度雲氣幽壑舞回風山神助我竒觀喚起碧霄  
龍電掣金蛇千丈雷震靈鼉萬疊洶洶欲崩空盡瀉  
銀潢水傾入寶蓮宮 坐中客凌積翠看奔洪人間  
應失七筋此地獨從容洗了從來塵垢潤及無邊焦  
槁造物不言功天宇忽開霽日在五雲東

又 桂林集句

五嶺皆炎熱宜人獨桂林江南驛使未到梅蘂破春  
心繁會九衢三市縹緲層樓傑觀雪片一冬深自是  
清涼國莫遣瘴煙侵 江山好青羅帶碧玉簪平沙  
細浪欲盡陡起忽千尋家種黃柑丹荔戶拾明珠翠  
羽簫鼓夜沉沉莫問驂鸞事有酒且頻斟

又 桂林中秋

今夕復何夕此地過中秋賞心亭上喚客追憶去年  
游千里江山如畫萬井笙歌不夜扶路看遨頭界攤

銀闕珠箔卷瓊鉤  
馭風去忽吹到嶺邊州  
去年明月依舊還照我  
登樓樓下水明沙靜樓外參橫斗轉  
搔首思悠悠老子興不淺聊復此淹留

又和龐佑父

雪洗虜塵靜風約楚<sup>雲</sup>人留何人爲寫悲壯吹角古城  
樓湖海平生豪氣關塞如今風景剪燭看吳鉤賸喜  
然犀處駭浪與天浮憶當年周與謝富春秋小喬  
初嫁香囊未解勲業故優游赤壁磯頭落照肥水橋  
邊衰草渺渺喚人愁我欲乘風去擊楫誓中流

又為時傳之壽

雲海漾空闊風露凜高寒仙翁鶴駕羽節縹緲下天  
端指點虛無征路時見雙鳧飛舞揮斥隘塵寰吹笛  
向何處海上有三山綵衣新魚服麗更朱顏蟠桃  
未熟千歲容與且人間早晚金泥封詔歸侍玉皇香  
案踵武列仙班玉骨自難老未用九霞丹

又為方務德侍郎壽

紫橐論思舊碧落拜除新內家勅使傳詔親付玉麒  
麟千里江山增麗是處旌旗改色佳氣鬱輪囷看取

連霄雪借與萬家春 建崇牙開盛府是生辰十州  
老稚都向今日祝松椿多少活人陰德合享無邊長  
筭惟有我知君來歲更今日一氣轉洪鈞

又垂虹亭

艤棹太湖岸天與水相連垂虹亭上五年不到故依  
然洗我征塵三斗快揖商飈千里鷗鷺亦翩翩身在  
水晶闕真作馭風仙 望中秋無五日月還圓倚欄  
清嘯孤發驚起壑龍眠欲酌鷓鴣夷西子未辦當年功  
業空擊五湖舡不用知餘事尊鱠正芳鮮

又送劉恭父趨朝

鼇禁輟頗牧熊軾賴龔黃一時林莽千險螽午要驅  
攘金版六韜初試煙斂山空野迥低草見牛羊旒纁  
釋南顧戈甲濯銀潢 璽書下褒懿績促曹裝帝宸  
天近紅旆東去帶朝陽歸輔五雲丹陛回首楚樓千  
里遺愛滿瀟湘應記依劉客曾此奉離觴

多麗

景蕭疎楚江那更高秋遠連天茫茫都是敗蘆枯蓼  
汀洲認炊煙幾家蝸舍映夕照一簇漁舟去國雖遙

寧親漸近數峯青處是吾州便乘取波平風靜荃棹  
且夷猶關情有冥冥去鴈拍拍輕鷗忽追思當年  
往事惹起無限羈愁拄笏朝來多爽氣秉燭夜永足  
清游翠袖香寒朱絃韻悄無情江水只東流柂樓晚  
清商哀怨還聽隔舫謳無言久餘霞散綺煙際帆收

木蘭花慢

送歸雲去鴈澹寒采滿溪樓正佩解湘腰釵孤楚鬢  
鸞鑑分收凝情望行處路但踈煙遠樹織離憂只有  
樓前溪水伴人清淚長流霜華夜永逼衾裯喚誰

護衣篝念粉館重來芳塵未掃爭見嬉游情知悶來  
殢酒柰迴腸不醉只添愁脉無言竟日斷魂雙鷺南  
州

又

紫吹簫散後恨燕子只空樓念璧月長虧玉簪中斷  
覆水難收青鸞送碧雲句道霞扃霧鎖不堪憂情與  
文梭共織怨隨宮葉同流人間天上兩悠悠暗淚  
灑澄篝記谷口園林當時驛舍夢裏曾游銀屏低聞  
笑語但醉時冉冉醒時愁擬把菱花一半試尋高價

皇州

水龍吟 望九華山作

竹輿曉入青陽細風涼月天如洗峯回路轉雲舒霞  
卷了非人世轉就丹砂鑄成金鼎碧光相倚料天關  
虎守箕疇龍負開神祕留茲地 縹緲珠幢羽衛望  
蓬萊初無弱水仙人拍手山頭笑我塵埃滿袂春鎖  
瑤房霧迷芝圃昔遊都記悵世緣未了匆匆又去空  
凝竚煙霄裏

又過涪溪

平生只說涪溪斜陽喚我歸舡繫月華未吐波光不  
動新涼如水長嘯一聲山鳴谷應栖禽驚起問元顏  
去後水流花謝當年事憑誰記 須信兩翁不死駕  
飛車時遊茲地漫郎宅裏中興碑下應留屐齒酌我  
清尊洗公孤憤來同一醉待相將把袂清都歸路騎  
鶴去三千歲

又張仲欽提刑行邊

弓刀陌上淨蠻煙瘴雨朔雲邊雪幕府橫驅三萬里  
一把平安遙接方丈三韓西山八詔慕義羞椎結梯



航入貢路經頭痛身熱 今代文武通人青霄不上  
卻把南州節虜馬秋肥鵬力建應看名王宵獵壯士  
長歌故人一笑趣得梅花月王春奏計便須平步清  
切

又再和

繡衣使者度郢中絕唱陽春白雪人物應須天上去  
一日君恩三接粉省香濃宮床錦重更把絲絢結臣  
心如不教炙手成熟 還記嶺海相從長松千丈  
映我秋竿節忍凍推敲清興蒲風裏烏巾獵獵只要

東歸歸心入夢夢泛寒江月不因尊鱠白頭親望真  
切

又

星沙初下望重湖遠水長雲漠漠一葉扁舟誰念我  
今日天涯飄泊平楚南來大江東去處處風波惡吳  
中何地滿懷俱是離索 常記送我行時綠波亭上  
泣透青羅薄檣燕低飛人去後依舊湘城簾幕不盡  
山川無窮煙浪辜負秦樓約漁歌聲斷為君雙淚傾  
落

醉蓬萊 為老人壽

問人間榮事海內高名似今誰比脫屣歸來眇浮雲  
富貴致遠鈎深樂天知命且從容閱世火候周天全  
文蒲義從來活計 有酒一尊有棊一局少日親朋  
舊家隣里世故紛紜但蚊蚋過耳解愠薰風做涼梅  
雨又一般天氣曲几蒲團綸巾羽扇年年如是

雨中花

一葉凌波十里馭風煙鬟霧鬢蕭蕭認得蘭皋瓊珮  
水館冰綃秋霽明霞乍吐曙涼宿靄初消恨微顰不  
語少進還收竚立超遙 神交冉冉愁思盈盈斷菟  
欲遣誰招猶自待青鸞傳信烏鵲成橋悵望胎仙琴  
疊忍看翡翠蘭苕夢回人遠紅雲一片天際笙簫

二郎神 七夕

坐中容共千里瀟湘秋色漸萬寶西成農事了穰稔  
看黃雲阡陌喬口橘洲風浪穩嶽鎮聳倚天青壁追  
前事興亡相續空與山川陳迹 南國都會繁盛依  
然似昔聚翠羽明珠三市蒲樓觀湧參差金碧乞巧  
處家家追樂事爭要做豐年七夕願明年強健百姓

歡娛還如今日

轉調二郎神

悶來無那暗數盡殘更不寐念楚館香車吳溪蘭棹  
多少愁雲恨水陣陣回風吹雪霰更旅鴈一聲沙際  
想靜擁孤衾頻挑寒燄數行珠淚凝睇傍人笑我  
終朝如醉便錦織回鸞素傳雙鯉難寫衷腸密意綠  
鬢點霜玉肌消雪兩處十分憔悴爭忍見舊時娟娟  
素月照人千里

代揔得居士上相府

某一介遲莫流落田野去歲一拜光範披露愚衷即  
蒙某官特達恩遇付以郡寄闕期甫及某敢以病自  
列亟請祠祿屬者又蒙相公起之閑散復畀守符拜  
命周章不敢辭避仰惟相公光輔聖神默運天緯海  
內善類悉歸範圍元功溥博隨物賦形坏冶一陶固  
無難事獨某孤畸齟齬過軫眷慈委曲生成倍勞造  
化始終收拾不待禱祈某豈有才智術業動公相哉  
直以某手足虧折家事狼狽憂患推傷其窮已甚姑

欲假此一官奪之於寒餓之水火此賜大矣重念某家世歷陽兵火之後未嘗輕去墳墓昨者山陽之命雖為佳郡然空道從出使傳往來某憂患薰心難堪委寄而松楸姻戚又有淮東西之岨焉今茲寢丘在他人得之或以為遠特與某鄉黨氣俗相去甚近頃伯氏初登科第靖康倣擾攝尉期思某也今懷太守章臨之豈不甚寵且祿優足以仁族事簡足以養病使某自謀不過如此感恩荷德負戴靡勝惟當激勵綿薄旦旦惟念布宣 主上德澤廣相公惠養黎元

輯和封疆之意事有可為敢愛軀命伏乞鈞察某之子孝祥伏蒙相公矜憐成就擢侍殿坳復承闕負斲兼書命一緣鈞造不出他門孝祥愚鄙稚騃何以堪此寵榮然某早聞祖考之訓子之能仕父教之忠奉以周旋罔敢失墜謹當夙夜訓飭使仰報 君相簡擢非常之恩皎然此心有死無易

二  
陳太博

某伏蒙太博貺以緘翰駢儷之文語新意工仰某也不足以辱此執事者姑欲借烏有先生東都主人以

發其辭耳又惟疇昔相從則世俗之禮宜不必講乃  
今不然豈外之耶不敢效尤輒具幅紙即日燕居多  
暇台候定復何如某何者敢冒清切之除游楊之助  
洪矣竊惟執事閑逸許久以有用之才而袖手旁觀  
人謂斯河北門西掖行有寵除頃戒諭山陽書適家  
君丐外祠故不果遣而來介亦復不取回訊亟去長  
者尚亮之否聞開門受徒橫經問疑者日益可勝欽  
嘆能推其餘以誨之幸也

三  
董守

廣陵自昔豪華兵革之後瘡痍未復主上顧憂謀  
帥甚艱夫欲翼蔽淮甸安集流逋疆場輯睦而威令  
自嚴使傳周旋而趣辦不擾非執事尚誰望哉自聞  
十乘啓行日欲具書問左右因循未果記室先之辭  
義燦然深佩隆謙可量愧感薄遽占謝未究所懷

四  
蘇倅

某晚學備數西省已劇超踰之媿偶茲乏使又俾兼  
攝贊書恐懼怵惕亡以自容所冀因來有以誨之廼  
今不然甚失望也正學博識當在本朝久茲回翔士

論甚鬱敢乞益護眠食以須三節之行

明守趙敷文

某頃寓居鄮郭餘十年王母馮夫人歿葬西山皇妣孫夫人以婦從姑而世父待制公季父莆田丞公以子從母皆葬其下故家視四明猶鄉執事以慈惠之師有來作牧布宣德意使田野按堵民物康阜則死者有知抑將滲漉膏澤安於地下惟公念之

歐公書豈惟翰墨之妙而辭嚴義正千載之下見者興起某何足以辱公此賜也哉而又先正所藏印色猶新輟公秘笈尤所懷感

與宣城守

屬者伏承報政輔郡易鎮大府遴選之久及茲成命既放士大夫雜然謂宜而某獨有歎也夫道德高一世文章追在昔而徒以良二千石視之使狹厥施于一州將若之何宛陵於今最郡涪公八十字蓋圖經也儻未即來覲暇日徜徉詠歌真有足樂者幸少安之

嚴守朱新仲

某比者還便奉真帖并石刻二詩龍溪序引既再拜  
欽誦斯文之妙三復卒業又再拜曰某何者而先生  
乃欲教誨收拾甚惠而今而後知不肖之身猶可自  
置於大君子之門其不忍棄捐如此也即日春事已  
晚不審坐觀事物之變台候何如某為養竊祿了無  
可言何當侍前少承耆德之緒論引望齋閣卷卷何  
極

某春晚嘗具記謝石刻序引之賜蓋委一親戚行其  
人自臨安取間道入閩未嘗至大府以故其書不達  
復以見歸伏念某鄉里晚出而於事先生長者之禮  
其略如此則某既無可言者然猶自列云云者萬有  
一先生尚察其無它而恕之也即日不審台候何如  
經綸德業歛之一州使年穀婁豐閭里安阜者固哲  
人之細事耳某慙愚不學資淺齒少而今茲除授乃  
先衆俊朝夕惴懼先生不憐而教之復被褒借之辭  
謹再拜辭避不敢當也日俟召還以既願見之悵敢  
乞視時崇護即膺三節之行 某惶恐死罪敢言之  
惟先生哀憐幸聽某伯父凡三人長尚書次嘗得官

矣建炎俶擾尚書奉大母馮夫人渡江諸弟悉從次伯父既娶獨顧松楸不忍去以死惟餘一女於某姊也馮夫人以其無父母愛異它孫嫁嚴陵朱氏有子曰俊又馮夫人屬纊時謂尚書曰吾憐二十九無孫汝異時能官其外孫吾不恨矣二十九蓋次伯父行也紹興二十五年伯父舍其子而官俊又用馮夫人治命以為已外生而任之命下而俊又之父死今終喪矣而其家日貧困俊又大母無恙內外數十口寡姊義無委姑而去欲周之則不給朝夕思之莫知所以為計伏念先生為之師帥使境內有一夫失所者先生任以為已責况此十口嗷嗷飢餓瀕死先生不知之則已苟知之豈不惻然動心也哉故敢冒布腹心伏惟先生施大惠於不報之地或有所謂醢局者月得二三十千使俊又託其名而食其祿以養其重親以活其兄弟姊妹以緩其旦莫溝壑之憂以紓手足之念則先生所以惠某者孰大於是

矣建炎俶擾尚書奉大母馮夫人渡江諸弟悉從次伯父既娶獨顧松楸不忍去以死惟餘一女於某姊也馮夫人以其無父母愛異它孫嫁嚴陵朱氏有子曰俊又馮夫人屬纊時謂尚書曰吾憐二十九無孫汝異時能官其外孫吾不恨矣二十九蓋次伯父行也紹興二十五年伯父舍其子而官俊又用馮夫人治命以為已外生而任之命下而俊又之父死今終喪矣而其家日貧困俊又大母無恙內外數十口寡姊義無委姑而去欲周之則不給朝夕思之莫知所



與池州守周尚書

某獨學寡聞涉道甚淺願從當世先生長者受業解  
惑發其蔽蒙尚書宗工鉅儒為薦神師表一經品題  
便作佳士某竊懷執鞭之慕寔自稚齒有志莫遂曠  
茲歲年引向下風此誠難喻

尚書德宇純粹道心精微古學淵奧包羅衆數之表  
辯知宏達超軼英豪之右入侍帷幄出分顧憂名績  
隱然聞者為起願聞明制趣還廟堂增重本朝華夷  
震疊幸甚某晚出寒鄉叨陪諸彦為郎滿歲躡侍殿

坳此皆先達者雋過聽妄庸褒借吹嘘而上聞也惟是獻納責隆大懼無以稱塞盛指苟未棄捐有以教詔使免于疾敢以請某自聞尚書舟虞出峽建牙江表日欲具一紙書問左右是致疇昔景慕之悵敢意謙尊先垂雲體軒昂蒲幅若接光塵而傾意氣拜嘉周章弗獲辭避有愧而已還使匆匆萬不及一

與廣帥蘇龍圖

惟黃州之後奕世載德執事又以文行政術為名公卿番禺以南華戎錯居蕩以鉅海持節作鎮未閱歲年威懾島夷琛贐充溢颶霧屏息人無疾癘勲績之茂當有殊賞願觀三接之寵抒所蓄積以補遺闕亦使故國喬木之望增重本朝幸也某拜謁未期敢以崇養為請

與廣憲

某傾聽中朝薦紳之言獨嶺南去國數千里奉使有指乃屬執事上無復有憂矣某願見君子請所以養士民之術其路無由伏惟治績之美諸公當有稟言尺一召還遂將承接

荅吳子仁

某辭奉光塵坐彌歲月歸鄉盛德勞於夢想獨因循  
少暇只尺之書不時登於師門敢謂謙隆賜以翰墨  
慰薦華寵甚非門人弟子所宜蒙被辭讓弗獲盤辟  
跋踏有愧而已伏慙幸察

某晚出寒鄉首蒙中書舍人先生收寘門墻待以國  
士今茲誤叨朝選躡據要津寔執事者為之權輿共  
惟此恩何以圖報惟當金石一心期不累知己爾  
先生德業之盛固不待稱贊置之左右誰曰不宜而  
曠日于此徜徉間居雖高懷曠達觀物之初不以用  
捨繫心然使天子不盡得賢烏乎可哉伏惟廟論當  
有裏言吾黨之士旦旦而望

荅呂教授

遠赴濠梁已臨魯類諸儒得明師斯道有託甚善同  
年兄德履純固學問淵博正宜師表膠庠遺之諸侯  
非所稱也廟堂當有裏言願少俟之  
遠遣書尺撫存甚渥仰認眷意之厚然有疑也同年  
義均兄弟不當雙緘四六語寵則寵矣情則甚踈豈

少誤耶不敢效尤輒自削去非簡也惟深亮此意

荅范司戶

捐書甚寵非所當受又惟晚學冒進來教以頌不以規大非疇昔冀望於同年者藏去悚仄而已秋氣高潔伏惟坐曹清暇體中勝常某出寒鄉寂寞之濱濫超衆雋寔自知其不可而公朝乃以備史官之闕朝夕惴惴非朋舊推揚之過有是哉伏紙無任愧惕

荅樊憲

恭以學造聖涯文傳正法所宜在上左右抒發嘉猷以輔教化奉使遠方輿議誠鬱願聞明詔入踐禁嚴吾道幸甚

某晚出寒鄉叨陪諸彥為郎滿歲躡侍殿坳茲蓋先生長者獎與延譽轉而上聞訖用輶此第獨學孤陋誤當獻納之地亟辭弗獲震悸靡寧尚惟大雅豈弟博約後來有以教之幸甚

間者閤焉不奉書記敢意謙勤委以翰墨粲然黼黻增賁陋質寵則寵矣稱塞謂何不腆之辭少陳愚戇非敢言報也

荅衢州陳守

某敢冒言之公之屬縣吏喻其姓者子才尚書郎之子子才與家君游相好也某為郎時子才為同舍不以某不肖忘年顧接又好也今其子以薦及格當詣考功誠恐吏持微文濡滯其行望賢史君哀憐之俾以時受代子才老矣舐犢之念切人誰無子惟賢史君哀憐之僭越恐懼

與冀伯英

伯英有志于學其始也正然僕於伯英厚有一言願以獻也夫學如積水其積愈深則其流愈遠若曰我如是是亦足矣吾恐溝澮之盈其固可待也吾里有子史子伯盍從而問之

荅元簿

某與公別閱再歲亦聞至涇既久念遣一書致殷勤不可得也委教先之陳義其偉禮文繁縟施之他人可也而僕與公將安取此哉愧感不勝言高才正學又輔之以家傳沉涵停蓄益大以肆少湏俟之即有褒擢矣

某百無一有忽躡據英游馳騫之地譬如窶人無故而得千金鮮有不作竒崇者得深卿書意甚憐而教之乃溢于牋牘者皆頌而不規深卿猶爾他人尚安望耶不敢當別駕先生才一再見今已揚旌東上安問必絡繹于塗也所甚喜者又識少公所甚恨者深卿在焉耳

與淮漕

某官以清介律百吏以忠厚恤祥刑推布德澤敷錫黎庶列城幸矣顧舊德宿望上所倚注宜朝夕左右論思獻納某備數于茲猶得瞻風采於朝廷也

與舒州王守

龍舒兩淮名鎮治道清淨民以寧壹甚盛德也惟梗亮之操純茂之氣薦紳仰為儀表當還本朝增重形勢歛惠一州非其所耳佇慶三節之行賓客之舊當先衆人候見於國門外矣

與淮東吳漕

某輒有白事海陵從事晏鼎元憲之世尚書之姪篤於節義守其家法賢矣久罹憂患甫得此官而遇明

使者當路以身受察幸也惟執事激濁揚清賢不肖無所隱亦惟部有此士似未可以衆人視之也某未見君子敢冒言之罪且安辭

與王越帥

某望元戎軍府一水耳繫官于朝莫覩橐橐載燾威儀之盛馳神而已春氣漸融伏惟藩屏王室談笑有餘台候萬福東人受賜日益深厚宣室思賢滋切廟堂俱有裏言趣召來歸匪朝伊夕敢願保綏至和以俟三節之行幸甚

某敢有白事忠州文學江蹈雅有學行齟齬不偶眇昏頭白僅得攝官去冬自三衢徒步入關已參吏部選亦嘗奉祠太一矣適嗣歲多休假待命兩月部中乃告示須由本貫州縣次第保明方應格法勢極狼狽謹取其錄白一宗文書拜呈敢望台慈亟賜報發庶使羈旅得免滯留一官得調皆門下之賜也其人勅牒已經部中驗視去介不敢附託併斬台照

荅劉司戶

甲戌期集繞一再見廣衆不容接款旋各引去于今

悵然初亦不知安所居調何官也故尺紙不至左右  
慕用之誠何自見哉高義絕倫遠貺翰墨反復把玩  
若握手相勞苦喜可量耶獨謹厥藏永以為好  
元實之文行不當為諸侯客豈天欲厚所養而邇其  
進耶潯陽江山追尋昔人感槩處政自可以資弄筆  
亦何有不快於一出入息頃哉願少遲之當有為元  
實稱於朝者

劉樞密

某伏審易鎮要藩升華邃殿一面之託不啻九鼎重  
矣伏惟萬人之英明天子所簡敬豈重湖之地所當  
暫留開大莫府寬北顧憂付以萬世功業帝意可以  
卜見也某不勝宗廟朝廷之慶

某恭承先生經術文章議論名節近世儒宗蓋一二  
數至於英風義氣則千載一人今日廊廟尊安邊壘  
寧謐折衝之功豈無所自宰席尚虛而君臣之交中  
外之望如此爰立告廷恐不容緩應變守文公所憂



為者太平之功自此一新天下之耳目矣

四十九  
朱編修

某敬服名義願識面之日甚久非敢為世俗不情語也  
也得劉丈書又見與欽夫書知且為衡嶽之遊僮遂  
獲奉從容何喜如之不勝朝夕之望

某昨日方從欽夫約遣人送行李奉告乃承已至近  
境欣慰可量欽夫必授館不然當於我乎館也使令  
輩遣前恐遠來者須更休耳應有委乞示下

風雨留人尊候復何如登臺詩彊勉不工出師表同  
同上老兄遊山亦須待稍晴未可以遽千金之軀宜  
自愛惜洪濤際天溺馬殺人將安之耶

某平生慕用豈謂來湘中乃獲解后接款慰幸可勝  
言懷親遽歸苛留不得至今慊然人還一再奉賜書  
感服感服某老者采動東歸之興比已專介請祠力  
致懇諸公僮遂得之不旬月去此矣樞庭編摩望雖  
高然非所以處元晦也意者姑借此為掀擢之漸耶  
此間諸事欽夫諸友書中必能詳言之政遠披承千  
萬珍護即登嚴近

敬簡堂記遂煩揮翰真可以託不朽但堂中之人於  
敬簡工夫殊未進須士友不我遐棄時時訓厲之耳  
欽夫間相從未嘗不矯首奉思也黃君內艱可念仲  
隆想已趨朝更不作書懷英行已踰月臨行瘍作於  
背甚可念幸而即愈渠自去歲得渴疾此不可再也  
某晚出叨踰楊柳之所學未充猖狂妄行以速大疾隆寬貫  
其九死猶得奉祠既至濡湏靜掃一室終日危坐以  
省昔愆它無可言者臨出都時信伯既維舟矣亦蒙  
僮蓋至湖上存勞周渥此意不可忘也解榜見名得  
來示乃知小失意於上舍然來春自當巍中政爾無  
用此也

九  
黃子默

四十

某離長沙且十日尚在黃陵廟下波臣風伯亦善戲  
矣前日為子默作江西後社字茫然莫知所謂至湘  
陰館中有題壁間二詩急雪黃花度初晴白石村者  
驚歎世間久無此作客謂此子默詩也歛然心服真  
可作社頭矣今日見計欽祖又誦數篇益竒蓋辭達  
於詩渾然天成風行水波偶入聲律非今之詩山谷

之詩也幸甚斯文未墜於地時夜將半呼僮張燈作  
此紙且致怨於不我教又聞有李東老者詩亦佳獨  
不能以數句為僕北歸篋中裝耶僮不棄願馳一介  
送似欲誦之於岳陽樓南樓寒溪西山也

于湖先生集四十卷附錄一卷宋刊本白麻紙沒  
墨所字辭疏古大板寬幅完整若手未觸半葉  
十行十六字白口雙闌板心上記字數下記姓名鈔補序五  
葉目錄七葉卷末杜松榜二葉附錄廿三葉余壬子夏  
見之京師宏遠堂云出自穆鶴舫相國家有文淵閣  
印余給值壹千壹百金端于前日議垂成矣為景  
樸孫得古景山紙景寫一都而以原本歸於抱存  
公子余欲借校者數矣公子恒秘不輒示人頃由書友展  
轉函索以明刊八卷校讐一通卷數多寡不同次第亦迥

異名標臣於上方其明本所遺者別圖附後全雖必情  
失宋刊而在本校本留天水原整面目以強余故年之缺憾  
何後如讀安國文者知宋本之在勝於明本萬一或有好  
事者更從而翻雕傳布焉則豈獨余一人之私幸乎  
明本有張氏行跋謂直澹園自也閱鈔出寄張醜甫楊  
克家目量為一表然則今表中有明文淵閣所知直氏自  
錄正據此本特倉卒不及全鈔時行雖遂彙刊行耳  
戊午九月二十九日傳源桐記  
鈔補各篇附記如左

卷九 詩一首

卷十二 詩四首

卷二十 狀一首

卷二十一 啓一首

卷二十二 啓七首

卷二十七 致啓一首

卷三十一 全卷 內有詞三首明刻有之

卷三十五 尺牘七首

卷三十六 全卷

卷四十八續九首

